



REPUBLIKA E KOSOVËS - ZYRA E PRESIDENTES
REPUBLIC OF KOSOVO - OFFICE OF THE PRESIDENT
REPUBLIKA KOSOVO - KANCELARIJA PREDSEDNICE

POLITIKA E PRIVATËSISË

E drejta e privatësisë dhe mbrojtja e të dhënave tuaja personale është prioritet kryesor i *Zyrës së Presidentes së Republikës së Kosovës*, e cila angazhohet të përpunojë të dhënat tuaja personale me përgjegjësi dhe në përputhje me Ligjin Nr. 06/L-082 për Mbrojtjen e të Dhënave Personale, dhe në pajtim me legjislacionin evropian për mbrojtjen e të dhënave personale.

Kjo politikë e mbrojtjes së të dhënave personale është e zbatueshme nëse jeni aplikant për punë, palë kontraktuese, merrni pjesë në një trajnim të organizuar nga ne, vizitoni *ZPRK-së*, përdorni ndonjë shërbim, paraqisni kërkesë përmes email-it apo faqës tonë të internetit.

Kush i përpunon dhe është përgjegjës për të dhënat tuaja personale

Përpunues i të dhënave personale është, *Zyra e Presidentes së Republikës së Kosovës* me adresë: Sheshi "Nëna Terezë" p.n 10 000 Prishtinë, Kosovë.

Zyrtari përgjegjës për mbrojtjen e të dhënave personale në Zyrën e Presidentes së Republikës së Kosovës, është: Zana Hoxha-Hyseni, e-maili: zana.hoxha.hyseni@president-ksgov.net dhe numri i telefonit 038 200 12033.

Kategoria e të dhënave që përpunojmë

Në varësi të qëllimeve dhe arsyeve specifike, *Zyra e Presidentes së Republikës së Kosovës*, përpunon të gjitha ose disa nga të dhënat personale të specifikuar më poshtë, ndaras ose në kombinim midis tyre:

- Të dhënat e identifikimit: emri, mbiemri, të dhënat e dokumentit të identitetit;
- Të dhënat e kontaktit: adresa, email, numri i telefonit;
- Të dhëna për arsimin, shëndetin, kualifikimin profesional dhe veprimtarinë e punës;
- Të dhëna të tjera të kërkuara sipas ligjeve të veçanta që rregullojnë marrëdhëniet e punës ose marrëdhëniet kontraktuale;
- Informacione të tjera dhe të dhëna personale të nevojshme për përmbushjen e detyrimeve statutorë të *ZPRK-së*, për të garantuar sigurinë në ofrimin e shërbimeve të navigacionit ajror;
- Foto dhe video nga konferenca apo ngjarje.

Për çfarë qëllimesh i përdorim të dhënat tuaja personale

Përmbushja e detyrimeve ligjore të përcaktuara me Ligjin Nr. 06/L-082 për Mbrojtjen e të Dhënave Personale, dhe me legjislacionin në fuqi të Bashkimit Evropian për mbrojtjen e të dhënave personale.

Përmbushja e urdhrave të organeve kompetente shtetërore;

Përzgjedhja e punonjësve, duke përfshirë kryerjen e trajnimeve të specializuara dhe gjuhësore për rekrutimet të reja;

Lidhja e kontratave dhe marrëdhënieve parakontraktuale;

Garantimi i sigurisë së punonjësve, vizitorëve, si dhe infrastrukturës së ndërmarrjes, përmes sistemit të mbikëqyrjes video, sigurisë fizike, kontrollit të qasjes dhe regjistrimit të vizitorëve të jashtëm;

Sigurimi i funksionimit normal, mirëmbajtjes dhe sigurisë së faqes së internetit dhe sistemeve të informacionit dhe komunikimit të **ZPRK-së**;

Përpunimi i kërkesave sipas Ligjit NR. 06/L-081 për Qasje në Dokumente Publike;

Promovimi i aktiviteteve të **ZPRK-së**, duke përfshirë shpërndarjen e materialeve dhe broshurave reklamuese, postimin e fotove / videove në web faqe, Facebook, Instagram, Twitter, LinkedIn ose në media tjera.

Baza ligjore për përpunim

Zyra e Presidentes së Republikës së Kosovës, përpunon të dhënat personale të subjekteve në përputhje me Ligjin Nr. 06/L-082 për Mbrojtjen e të Dhënave Personale dhe në pajtim me legjislacionin evropian për mbrojtjen e të dhënave personale.

Në disa raste, ne përpunojmë të dhënat personale vetëm pas pëlqimit paraprak të subjektit të të dhënave. Pëlqimi i dhënë mund të tërhiqet në çdo kohë nga subjekti.

Me kë i ndajmë të dhënat personale të mbledhura

Autoritetet kompetente siç janë ato të sigurisë, gjyqësore dhe mbikëqyrëse, që në bazë të një akti juridik kanë autoritetin të kërkojnë nga **ZPRK**, të dhënat personale për subjektet e caktuara.

Cilat janë të drejtat tuaja

Kur të dhënat tuaja personale përpunohen nga **Zyra e Presidentes së Republikës së Kosovës**, ju keni të drejtë:

- të qasjes në të dhënat tuaja dhe në çdo kohë, të kërkonit t'i korrigjoni dhe përditësoni pa vonesë nëse të dhënat tuaja janë të pasakta ose jo të plota;
- të fshirjes ('e drejta për t'u harruar) së të dhënave tuaja dhe mund të kërkonit që përpunimi të ndalohej në rrethana të caktuara;

- të kërkonti që ndonjë nga ndryshimet e mësipërme t'u komunikohet palëve të tjera, të cilave u janë zbuluar të dhënat tuaja;
- të ankoheni në çdo kohë nëse besoni se të drejtat tuaja për mbrojtjen e të dhënave janë shkelur.

E drejta e ankimimit

Në përputhje me Ligjin Nr. 06/L-082 për Mbrojtjen e të Dhënave Personale, çdo person fizik që beson se i është shkelur e drejta për mbrojtjen e të dhënave personale, mund të paraqesë ankesë pranë Agjencisë për Informim dhe Privatësi me adresë: Rr. Zejnel Salihu - Nr.22, 10000, Prishtinë, Republika e Kosovës.

Siguria e të dhënave personale

Zyra e Presidentes së Republikës së Kosovës, zbaton masat e duhura fizike, organizative dhe teknike për të mbrojtur të dhënat tuaja personale në pajtim me dispozitat përkatëse të Ligjit Nr. 06/L-082 për Mbrojtjen e të Dhënave Personale.

Kohëzgjatja e ruajtjes së të dhënave personale varet nga qëllimet e përpunimit për të cilat ato janë mbledhur dhe është e rregulluar me Ligjet përkatëse që kanë të bëjnë me Administrimin e Punës në Zyre dhe Arkiva ose me ndonjë ligj tjetër.

Përditësimi i Politikës së Privatësisë

Ne mund të përditësojmë herë pas here politikën tonë të privatësisë dhe do t'ju njoftojmë për çdo ndryshim duke postuar Politikën e re të privatësisë në këtë faqe.

Faqja e internetit mund të përmbajë linqe të ndryshme të faqeve të tjera të internetit, për të cilat ju rekomandojmë të i lexoni politikat e privatësisë të faqeve të tyre.

Prishtinë, 11 Mars 2026